

Mat á stuðningsþörf barna Verklag

1. Markmið með Mati á stuðningsþörf barna

Greiningar- og ráðgjafarstöð ríkisins annast framkvæmd Mats á stuðningsþörf barna fyrir fötluð börn á landsvísu. Notað er matskerfið Supports Intensity Scale Children's Version, (SIS-C) sem metur með samræmdum og hlutlægum hætti stig og magn þess hagnýta stuðnings sem fötluð börn þarfnast til að lifa eðlilegu lífi með fullri þátttöku í samfélaginu. Matið sem nær til barna á aldrinum 5–18 ára metur stuðningsþarfir fatlaðs barns óháð fötlunargreiningu, í samanburði við önnur börn, bæði fötluð og ófötluð.

Matskerfið hefur verið staðlað hér á landi og hefur Greiningar- og ráðgjafarstöð ríkisins (GRR) einkarétt á notkun þess. Matið er framkvæmt af óháðum, sérstaklega þjálfuðum matsmönnum með víðtæka reynslu af starfi með fötluðum börnum og fjölskyldum þeirra. Matið er framkvæmt í nærumhverfi barnsins, t.d. í grunnskólum eða öðru húsnæði á vegum sveitarfélaga.

2. Nýjar umsóknir um Mat á stuðningsþörf

Hvert sveitarfélag/þjónustusvæði hefur skipað tengiliði við Jöfnunarsjóð sveitarfélaga, sem greiðir fyrir matið, og við Greiningar- og ráðgjafarstöð sem framkvæmir matið.

Tengiliðir eru í fyrsta lagi starfsmenn skólaþjónustu og í öðru lagi starfsmenn þjónustu við fatlaða þegar um er að ræða börn sem njóta umtalsverðar þjónustu utan skólatíma.

Tengiliður skólaþjónustu (nema annað sé ákveðið) útskýrir tilgang með fyrirhugaðri umsókn um Mat á stuðningsþörf fyrir foreldrum/forráðamönnum. Tengiliður sendir inn umsókn til GRR um Mat á stuðningsþörf, ásamt upplýsingum um fötlunargreiningu. Umsóknir skulu berast á þar til gerðum umsóknareyðublöðum sem finna má á heimasíðu GRR. Umsókn þarf að fylgja undirritað upplýst samþykki foreldris/forráðamanns.

Umsóknum er skilað rafrænt í vefgátt fyrir Mat á stuðningsþörf. Tengiliður sem hefur fengið úthlutað notendaaðgangi, ber ábyrgð á rafrænum gagnasamskiptum. Tilkynna þarf um nýjar umsóknir í vefgátt á netfangið sis@greining.is. Gengið er úr skugga um að öll gögn sem krafist er að fylgi umsókn hafi borist. Meðal annars er gerð krafa um að fyrir liggi fötlunargreining frá viðurkenndum greiningaraðilum.

Hafi umbeðin gögn ekki borist innan þriggja mánaða frá dagsetningu umsóknar eða ef ekki er hægt að sýna fram á með óyggjandi hætti að um sé að ræða fatlað barn, fellur umsókn niður og umsækjandi upplýstur um það skriflega af hálfu GRR

Ef vafi leikur á að sú greining sem barnið hefur fengið falli undir viðmið um Mat á stuðningsþörf, má leita eftir ráðgjöf þar að lútandi með því að senda fyrirspurn (ópersónugreinanlega) á ofangreint netfang eða með því að hafa samband við sviðsstjóra í síma 5108400.

3. Framkvæmd

Þegar fullnægjandi gögn hafa borist GRR þ.e. staðfest fötlunargreining liggur fyrir og undirritað samþykki foreldris er umsókn tekin til afgreiðslu hjá GRR. Hvert barn fær auðkennisnúmer (gefið út af GRR), til auðkenningar á viðkomandi og öllum gögnum sem honum tengjast.

Eftir að umsókn hefur verið samþykkt sér tengiliður um að skipuleggja framkvæmd matsins í samvinnu við GRR. Matið skal framkvæma eins fljótt og unnt er eftir samþykkt umsóknar. Matið fer þannig fram að sérþjálfaður SIS-matsmaður frá GRR kemur í heimabyggð barnsins og framkvæmir matið þar. Framkvæmd fer eftir meðfylgjandi tímaskipulagi þ.e. árinu er skipt niður í tímabil og gert er ráð fyrir að hvert svæði fái úthlutað tíma á neðangreindum tímabilum sé þess þörf.

Tímabil:

| | |
|------------------|-------------------|
| Tímabil 1 | Janúar |
| | Febrúar |
| | Mars |
| Tímabil 2 | Mars/apríl |
| | Maí |
| | September/október |
| Tímabil 3 | Október |
| | Nóvember |
| | Desember |

Úthlutun tíma fyrir svæði:

| Svæði | Mat á stuðningsþörf fer fram |
|-------------------|------------------------------|
| Höfuðborgarsvæði | Jafnt og þétt öll tímabili |
| Suðurnes | Einu sinni á hverju tímabili |
| Vesturland | Einu sinni á hverju tímabili |
| Vestfirðir | Tímabil 2 |
| Norðurland vestra | Tímabil 2 |
| Norðurland eystra | Einu sinni á hverju tímabili |
| Austurland | Tímabil 2 |
| Suðurland | Einu sinni á hverju tímabili |

Matsmaður frá Greiningar- og ráðgjafarstöð ríkisins hittir foreldra/aðstandendur ásamt faglærðu starfsfólki sem þekkja barnið vel og hafa umgengist það reglulega. Gerð er krafa um að þessir aðilar hafi jafnframt tekið beinan þátt í daglegum viðfangsefnum barnsins amk. undanfarna 3 mánuði. Viðtal matsmanns við foreldra og fagfólk (saman í viðtali) tekur að jafnaði 2 klst. Auk þess hittir matsmaður barnið sjálf og fylgist með því í skólastarfi eða við aðrar hentugar aðstæður. Veita skal barninu tækifæri til að tjá sig um eigin þarfir fyrir stuðning í samræmi við óskir þess og aldur.

4. Skil á niðurstöðum

Niðurstöðum Mats á stuðningsþörf er skilað til Jöfnunarsjóðs sveitarfélaga með ópersónugreinanlegum hætti og m.a. nýttar til ákvörðunar um fjárframlög til sveitarfélaga vegna sérþarfa fatlaðra nemenda á grunnskólaaldri. Niðurstöðum er einnig skilað með öruggum hætti í læsta vefgátt til tengiliða sem tilnefndir eru af lögheimilis-sveitarfélagi/þjónustusvæðis barnsins. Gert er ráð fyrir að niðurstöðum sé skilað innan 3 mánaða þ.e. þremur mánuðum eftir að mat fór fram. Tengiliðir sveitarfélagsins bera ábyrgð á að kynna niðurstöður fyrir foreldrum og öðrum sem sjá um að veita barninu þjónustu.

Vakin er sérstök athygli á því að niðurstöður má einnig nýta við gerð einstaklingsbundinna áætlana um stuðning fyrir hvert og eitt barn.

Ef niðurstöður Mats á stuðningsþörf eru að mati tengiliðs eða annarra hlutaðeigandi, ekki taldar endurspeglar stuðningsþörf barnsins, skal upplýsa ábyrgðarmenn matsins um það skriflega og færa fyrir því rök við fyrsta tækifæri eða innan mánaðar frá því að niðurstöðum er skilað.

5. Hlutverk tengiliðs

Tengiliður sér um umsóknir, undirbúning og skipulagningu matsins sem m.a. felst í því að hafa samband við foreldra, kynna tilgang með Mati á stuðningsþörf og óska eftir samþykki frá þeim varðandi framkvæmd matsins. Einnig að tímasetja viðtöl í samvinnu við foreldra og Greiningar- og ráðgjafarstöð ríkisins og að útvega viðtalsherbergi þar sem matsmaður getur framkvæmt viðtal í næði.

Þegar samþykki foreldra liggur fyrir kemur matsmaður frá Greiningar- og ráðgjafarstöð í heimabyggð barnsins og framkvæmir matið.

Tengiliður ber ábyrgð á að skila niðurstöðum til hlutaðeigandi aðila.

6. Umsókn um endurmat á stuðningsþörf

Hægt er að sækja um endurmat á stuðningsþörf ef fyrir liggur rökstuðningur um umtalsverðar breytingar á stuðningsþörf barnsins. Umsókn sem fyllt er út af tengilið skal skilað í vefgátt og tilkynnt með tölvupósti á netfangið sis@greining.is Umsókn er yfirfarin af SIS-sérfræðiteymi GRR og tekin ákvörðun um hvort beiðni sé samþykkt eða hafnað. Sé umsókn hafnað skal þeirri niðurstöðu skilað skriflega til tengiliðs..

SIS-sérfræðiteymi fundar mánaðarlega til að fara yfir umsóknir og niðurstöður endurmats.

Mælt er með að þjónustuveitendur fylgist vel með breytingum sem kunna að verða á stuðningsþörfum.

7. Eftirlit með gæðum

Eftirlit með gæðum er innbyggt í skipulagi og framkvæmd Mats á stuðningsþörf og byggir á Interviewer Reliability and Qualification Review (IRQR) gæðamatskerfi AAIDD samtakanna (*American Association on Intellectual and Developmental Disabilities*).